

## قصص السنة -الدرس الرابع- غلام الأخدود

أحمد عامر

الحمد لله والصلوة والسلام على رسول الله صلى الله عليه وسلم. ان الحمد لله نحمده ونستعينه ونستهديه ونستغفره. ونعود بالله من شرور انفسنا ومن سينات اعمالنا من يهدى الله فلا مضل له ومن يضل - 00:00:00

واشهد ان لا الله الا الله واهد ان محمد عبد رسوله صلى الله عليه وسلم ناخد قصة جديدة من قصص السنة والنهارده السياق مختلف متعددين نقرأ مقطع ونلقي عليه بالمحطات. المرة دي الحديث طويل قوي - 00:00:12

احنا هنمشي فيه ونقول خواطرنا واحنا ماشيين. ف ساعتها مش هتبقى محطة. المحطة دي ما بتحسسى ان انا هقف وانزل شوية انا هي وقفه لان احنا ممكن نقول مسلا يعني عشرين فايدة فمش هينفع يتقلبوا المحطات. مش يعني هنقدر بقى للفجر - 00:00:28 فهنمشي في الحديث ونقول هنا نستفيد كده ونكمel. فهتبقى يعني خلينا نقول وقفات الهاودة مع الحديث الطويل اللي معنا حديث الغلام والراهب والساحر عن صهيب ابن سنان الرومي من صحيح مسلم - 00:00:44

قال رسول الله صلى الله عليه وسلم هو بيحكى قصة اسمها قصة الغلام والساحر والراهب لان دول من اشهر تلات شخصيات في القصة دي قلت لكم الحديث بيبقى له اسم دايما من من يعني من احداثه من الشخصيات اللي فيه حديث الثلاثة والغار قصة السحابة وهكذا يعني. فتعالوا نبدأ آآ ونمسي مع - 00:01:01

الحديث. قال النبي صلى الله عليه وسلم كان ملك في من كان قبلكم. بيحكى لهم عن آآ قوم وده قصة حقيقة. قوم كانوا عايشين اه وكان عندهم ملك. وكان ملك فيمن كان قبلكم وكان له ساحر - 00:01:19

ودي اول وقفه قلت لكم احنا نقف كتير. فعلى طول كده هنقف. وكان له ساحر اعرف انا حتى مش هقدر اقول بقى هنا وقفه وقفه. خلونا بقى انت هتفهموا كده السياق ماشي ازاي - 00:01:33 تمام شوفوا وكان له ساحر دي اعرف انه الملك دايما له سحرة. يعني هو ما ينفعش يبقى ملك لوحده. لازم عنده اعوان. يعني ما ينفعش ابدا اللي عايز يسيطر على حد يبقى لوحده - 00:01:43

وبالتالي نفس الكلام الشيطان لما بيتحرك معك ما بيتحركش لوحده الشيطان بيبقى عنده دايما اعوان. لما بيبقى فيه حاكم ظالم مستبد ما بيقاش لوحده. بيبقى حواليه دايما اعوان. جيش اعلام اقتصاد آآ بيزنس - 00:01:54 دايما وكان له ساحر دي. دي تهمني قوي في موضوع الشيطان. لأن الشيطان دايما بيدور على هيعمل مين اللي هيساعدك معك؟ مين اللي هيساعدك عليك وحديث معروف قوي عن سيدنا جابر ابن عبد الله بيحكى النبي صلى الله عليه وسلم بيقول ان ابليس يضع عرشه على الماء - 00:02:09

ابليس عنده عرش وفي حته وبيقدر ثم يبعث سراياه يعني الشياطين الصغيرين. عنده قلت لكم سحرة واعوان اه فقدناهم منه منزلة. ادناهم منه منزلة اعظمهم فتنه. اكتر واحد بيذم ويجيء احدهم بييجوا كل شوية يبعثوا له ايه تقريرات يجيء احدهم فيقول انا فعلت كذا وكذا. انا خليةت ده يذمني انا خليةت ده يشرب خمر. انا فيقول ابليس ما صنعت شيئا - 00:02:27

هيتوب هيتوب انت ما عملتش حاجة. ويجيء احدهم فيقول ما تركته حتى فرقت بينه وبين اهله. انا خليةته يطلق مراته. بسيب عياله ويمشي فيدينيه منه ويقول نعم انت يتخيلوا ابليس عنده اصلا فقه اولويات آآ ايه الزنب الصعب وايه الزنب المهم وايه الذنب العادي - 00:02:51

اه بس الشاهد من هنا الشيطان حتى ما بيتمش عليك لوحده بيستعين بصحابك ممكن يستعين باهلك ممكن تستعين بناس في

مجتمعك ممكناً فالمهم نتعلم دي من الحديث ده. يبقى كان ملك في من كان قبلكم وكان له ساحر. فلما كبر - 00:03:11  
اللي هو الساحر وقرب يموت. قال للملك اني قد كبرت فابعث الي غلاماً اعلمه السحر فبعث اليه غلاماً يعلمه. شوفوا الساحر يا جماعة  
هيموت ومش عايز يسيب فكرته تموت. ولازم تعرف ده عن اهل الباطل. اهل الباطل اصحاب - 00:03:25  
ابطضية. اهل الباطل عندهم همة لنصرة الراية بتاعتهم حتى بعد موته عايز الباطل يستمر ليه بنقول لازم نفهم ده؟ عشان تفهم انت  
بتحارب من؟ انت مش بتحارب حد عادي. انت بتحارب حد عنده همة قضية - 00:03:42  
فلو انت ما عندكش نفس الهمة وشايل تبقى القضية وما سك في الراية هتخسر عشان كده سيدنا عمر بن الخطاب كان يقول اللهم اني  
اعوذ بك من جلد الفاجر وعجز الثقة - 00:03:59

راجل الثقة اللي هو يعني اللي كويس عاجز. والفاجر عنده جلد وعزيمة وصبر. فبيقول له اعوذ بك من ذلك فلازم تعرف ده عن اهل  
الباطل وما تستهونش وتبقى فاهم ان انت لازم تبقى بنفس الجدية دي - 00:04:10  
ابو جهل وهو بيموت كان روى يعني ان هو بيموت قتلوا الغلامين الصغيرين بس النبي صلى الله عليه وسلم قال روحوا دوروا عليه  
وشوفوا اتأكدوا انه مات. راح عبدالله ابن مسعود - 00:04:23  
واللي بالفعل بيطلع في الروح ووقف على آه حط رجله على عليه كده وقعد عليه من فوقه. ابو جهل قال له لمن الغلبة اليوم شوف  
شوف اهل الباطل اصحاب قضية ازاي الراجل بيموت وبيطلع بالروح وقال له مين اللي كسب - 00:04:33  
مهم انك تعرف ده من دي وقال له اني قد كبرت فابعث الي غلاماً اعلمه السحر فبعث اليه غلاماً خلي بالكم القصة حنون الغلام  
والراهب والساخر. ادي اتنين زهروا معنا اهو - 00:04:48

الغلام بقى يروح للساحر يتعلم السحر يقول له هتضحك على الناس ازاي وتعمل ايه وتقول لهم ايه وتلون ازاي وتطلع  
انوار ازاي طيب فالغلام كان بيروح له وكان في طريقه اذا سلك يعني الغلام وهو رايح له في الطريق وهو بيعدى وكان في طريقه اذا  
سلك راهب - 00:05:00

يعدي الراهب ده يعني شيخ بمعنى اه مصطلحاتنا دلوقتي وهو رايح للساحر كان فيه شيخ في الطريق فقد عليه وسمع سمع  
كلامه فاعجبه يعني شوفوا وهو بيعدى على الساحر اكتشف ان فيه راهب بقى بيقعد يعدي يقعد معه شوية ويروح للساحر برضه -  
00:05:18

شوفوا الله ينصر دينه ويدبر له يمكرن ويمكر الله والله غالب على امره انه الواحد انت مش الساحر والملك والاعوان والجنود  
انما ربنا بيديبر برضه ربنا هيننصر دينه. ربنا مش ربنا اصل ده دين ربنا - 00:05:38  
وهم بيحاربوا ربنا. يعني ربنا ماشي يمكرن وتمكرن يا مسلمون. لا يمكرن ويمكر الله. يخادعون الله وهو خادعهم اه  
يكيدون كيداً وآكيد. الموضوع بينهم وبين ربنا انت وسيلة وسبيل بس بين يعني انت جندي من جنود ربنا. انما الاصل ان  
الموضوع موضوع ما بينه وما بين ربنا. والآخرة ما بينه وما بين ربنا - 00:05:56

كده ولا كده ربنا مش هيسيب دينه بس هي حكم حكمة انه هل المسلمين دول يستحقوا فالموضوع هيبيان لك كمان شوية يعني. بس  
لازم تعرف ده انما انا اللي اكتر حاجة شدتنى هنا سمع كلامه. بصوا يا جماعة لو الحق اتسمع - 00:06:18  
هيعجب قال لك فاعجبه النبي صلى الله عليه وسلم. لو الحق اتسمع هيعجب. هيقعن لان الفطرة بتبحث عنه والنور انت بتدور عليه  
وهو ده الحق والنور اهو. فلما الواحد بيأخذ النور ده وبيأخذ الحق ده بيتغير. انما مشكلتنا في سمعة دي احنا مش - 00:06:35  
احنا مشكلتنا ان احنا قافلين على نفسنا انا لو جيت قلت لك انت اه اه بتسمع قد ايه دين نسمع قد ايه القرآن و بتسمع قد ايه دين اه  
بتقرا قد ايه؟ قريت كم كتاب - 00:06:52

هتلاقي مصادر التلقي عندك ضعيفة يعني لدرجة انه للاسف الفيسبوك دلوقتي بقى يخلينا نعمل انا انت لو تلاحظوا انا ما بعملش  
فيديوهات على الفيسبوك ليه لان الفيديوهات اللي على الفيسبوك آه الفيسبوك مش مش آه انت هتعمل لنا فيديو قد ايه؟ ده  
خمس دقائق لا ده طويل - 00:07:07

حبيبي انا مش بكلمك عن اه اه مشروب تشربه الصبح ده انا بكلمك عن الجنة. مش هقدر اكلمك عن الجنة في كبسولة وللاسف تلacci دلوقتي حتى ايه والفيديو دقيقة. وبتقول ايه بس انا بسمع فلان. فلان ده بيكلمك قد ايه عن ربنا؟ دقيقة في اليوم. فلان مش -

00:07:26

غلطان انت اللي غلطان ان انت ما تسمعش. ما تسمعش غير فلان ما بتسمعش دين لو سمعت هتتغير انما انت ما بتسمعش سيدنا حنظلة لما كان مضائق ان هو قلبه بيتغير -

00:07:45

فيبيشتكي كان النبي صلى الله عليه وسلم وقال نافق حنظلة. انا قلبي يعني انا حاسس ان انا عندي مشكلة اصلا نفاق. انا قلبي بيتغير يا رسول الله. فيقول ايه؟ نكون عندك فتذكرا بالجنة -

00:07:59

نار فكان رأي عين. انا هو ده اللي عايزه. سبب من حديث حنظلة وخلاص انه لما بيسمع عن الجنة والنار كأنه شايفهم. تفتقرا انت السمع ده والاثر ده بيعمل ايه في سيدنا حنظلة -

00:08:09

لو سيدنا حنظلة ما بيسمعش. تفتقرا سيدنا حنظلة كان هيبقى عامل ازاي؟ فده اللي حصل للغلام. سمع اعجبه. وهتشوف الغلام ده هيبقى فين في الاخر الغلام ده يا جماعة انا وانتم كلكم ولا حاجة بالنسبة له. كعند ربنا. يعني كمیزان كحسنات كعمل ايه للدين. طب هو بدأ القصة ازاي؟ انه قعد يسمع -

00:08:21

انه قعد يسمع فاحنا عندنا واجبات عملية. خلاص؟ فهنتكلم يعني آآ بس لازم تفهم ان ده الطريق طيب وكان اذا اتي الساحر مر بالراهب وقعد اليه فاذا اتي الساحر ضربه. الساحر يضربه ليه؟ عشان يتأخر عليه -

00:08:43

فشكي ذلك الى الراهب وقال له كمان ايه مش بس كده. ده انا لما باروح كمان لاهلي بيضربوني. الساحر بيضربني واهلي بيضربوني ليه؟ ما انا عمال اتأخر على ده وبتأخر وعلى ده في الاخر -

00:09:01

فشكي ذلك الى الراهب. فقال الراهب قال له اذا خشيت الساحر فقل حبسني اهلي. والله معلش اهلي مانعني. وانا باجي لك بالعافية وبتعفعي اذا خشيت اهلك فقل حبسني الساحر. والله يا جماعة الرجال جابني ومش راضي يسيبني وانتم عارفين الساحر ده والملك وقصة كده. في بعض الزروف يا جماعة التورية او حتى -

00:09:16

في الحالة دي الكذب هي الفطنة يعني طبعا احنا عارفين انه فيه كذب مباح ويجوز اه زي مسلا ده زي واحد عدو مسلا فمش اي واحد اخدوه اسير مسلا فيقولوا له الجيش عامل ايه؟ احكي لنا تفاصيله لازم يكذب يعني. او واحد مراته مسلا تقول الاكل عجبك -

00:09:35

يا كاكاو الاكل وحش اووي بالنسبة له يعني اقول لها طبعا تسلم ايدك وهو زي الفل. ده ده فيه فيه كده حاجات او اتنين زعلانيين من بعض مسلا فانا بقول حاجات في عينيه -

00:09:52

النبي صلى الله عليه وسلم ذكرها بالنص يعني او اتنين زعلانيين من بعض فانت تروح تقول له يا عم ده انا كنت لسه قاعد معه امبراح فده قعد شكر فيك ونفسه يكلمك وهو ما قالش اي حاجة من دي. المهم يعني ايه في مباحثات لصور مباحة للكذب بضوابط -

00:10:02

روح ارجع لها. انما انا هنا بتكلم كمان في التورية. اللي هي ايه التورية اللي هي انك ما تكذب بس بس تحور عارفين تحور دي بس ليه ليه؟ ليه بعمل كده اصلا؟ وليه بقول لكم اعملوا كده؟ في ظروف بالذات موقف واحد هو اللي عايز اذكره هو اللي عايزك تفهم كلامي وتأخدده -

00:10:15

في اب مسلا اه ابن مش خايف على ابنه خايف على ابنه ان هو ايه؟ انه اللي عايز الحديث يخش كده يكتب دلوقتي حالا اه يكتب كده اه صحيح مسلم صهيب الرومي ويكتب كده ايه؟ كان ملك وخلاص هيطلع له الحديث على طول -

00:10:31

وادي الليك اهو انا حاطه فاجتهدوا شوية آآ طيب اه ليه بقول كده؟ في موقف واحد واحد عايزك لو انت محتاج تعمل فيه كده اعمل فيه كده انهي موقف ده اب مسلا خايف على ابنه انه ابنه بيروح يحضر درس وهو يخاف انه ابنه يحضر دروس -

00:10:49

فلو الابن راح قال له بابا سلام عليكم انا نازل درس هيقول له لأ ما تنزلش درس وممنوع ويتخانق معه ويقعد يعمل وبتاع طب هو

مش ممکن الابن يقول له انا نازل خارج زي کل يوم اما بينزل يخرج مع اصحابه - [00:11:07](#)

وهو بالفعل نازل يشوف ناس صحابه. طب انت ليه مش زكي هنا يعني انت ليه داخل في الحيطه ساعات کده ساعات مع الاهل اللي هم بيحافظوا علينا والشيطان بيلعب في دماغهم. وبيستغلهم احنا لسه قلنا له اعوان وله جنود. ويستغلهم ضد دينك - [00:11:18](#)  
فيخش لهم من باب الخوف ده وابنك هيضيع وبنتك هتضيع. خلاص انت عايز تلتزم التزم من غير ما تقول له يعني مش لازم تبين له. يعني انت ما عندك كتاب هو لو شاف الكتاب هيقوم مش لازم يشوفه. يقرأه بعيد خليك زكي. ده في حالة انه لو اهلك کده -

[00:11:34](#)

اه اه فمحتاجين ده يا جماعة. يعني افتكروها بس بس في الموقف ده مبدئيا يعني تعالوا نكمل فيينما هو على ذلك فيينما آآ هو على ذلك يعني عمال يروح لده ويروح لده ويسمع من ده ويسمع من ده. اذ اتى على دابة عظيمة قد حبست الناس. يعني كان في بقى في الطريق والناس ماشية کده لقوا دابة - [00:11:51](#)

غالبا دابة دي حيوان مسلا مفترس عزييم الناس خايفه منه مش عارفة تعي هرب من حد وعامل عامل مشاكل يعني قد حبست الناس  
فقال اليوم اعلم الساحر افضل ام الراهيب افضل؟ خلي بالك الولد عنده صراع نفسي كان - [00:12:12](#)  
رهيب آآ في حق وفي باطل عمال يسمع ويسمع والاتنين بيقولوا کلام غير بعض يعني ده بيقول له آآ ده بيقول له آآ الله والآخرة  
والجنة والنار والحياة والهدف والقبر. وده بيقول له - [00:12:27](#)

آآ الملك والسلطان والجنود والناس ونسطر وآآ وهو الملك هو الرب. وآآ وآآ الملك هو ده بيقولوا کلام عكس بعض تماما. وهو  
الولد بيسمع ويسمع وقلبه آآ فطرته بتقول له الراهيب. وعمال يشوف بعينه ماديات وسلطان وقصر - [00:12:43](#)  
فعنهه صراع کلنا حصل لنا الصراع ده في وقت من الاوقات قبل ما تحسم قبل ما تحسب وتقول انا ان لله وان اليه راجعون کله  
بيحصل له الصراع ده فلقى الموقف ده فعجيب قال اليوم اعلم الساحر افضل ام الراهيب؟ فاخذ حجرا. حجر - [00:13:05](#)  
اصل ده ممکن واحنا بنتكلم مسلا في اسد يا جماعة فايه الحجر ده مش هي عمل حاجة. فقال اللهم ان كان امر الراهيب احب اليك  
من امر الساحر فاقتله هذه الدابة حتى - [00:13:23](#)

ويمضي الناس فرماها فقتلها ومضى الناس ربنا ربنا يا جماعة بيبعد لك رسائل واضحة جدا. تقول لك ده الحق وده الباطل. تقول لك  
بلاش ده. تقول لك سب ده. تقول لك امشي هنا. انت عارف انهم دول صح. انت عارف - [00:13:36](#)  
انت مخلوق عشان ده وواضحة بتبقى وضوح الشمس فاتى الراهيب فاخبره الحق ده حصل کزا کزا فقال له الراهيب بقى  
الراهيب احنا قلنا غلام الساحر والراهيب قال اي بني انت اليوم افضل مني - [00:13:52](#)

قد بلغ من امرک ما ارى وانک ستبتلی فلا تدل علي شوف اسمع قال له قال له يعني هنقسم کلامه لجملتين مهمين جدا کلامه  
لجملتين مهمين جدا انت اليوم افضل مني قد بلغ من امرک ما ارى - [00:14:09](#)  
هو قال له ايه اللي بلغ من امرک ما قراؤ؟ قال له انت بقیت مستجاب الدعوة. انت عندك حال مع ربنا انا ما وصلتلوش. انت بتقول  
لربنا اعمل کده فربنا بيستجيب وبيعمل. انت - [00:14:29](#)

دلوقتی في حته تانية انت علاقتك بربنا في حته زي ربنا اصطفاك وده التواضع التواضع انه شيخ يقول لتلمیزه انت احسن مني ده  
صعب اوی اوی اوی وده خلق عسیر لانه النفس عايزه عکسه. النفس عايزه الطفیان. عايزه العلو في الارض. عايزه التکبر. يجي  
واحد يقول لها حطي ده حطي دماغك في الارض - [00:14:39](#)

التواضع اه خلق صعب بس عايز اقول لك اللي بيتواضع بيكتب کثير يعني هديك تلات امسلة بس اللي التواضع بيساعدک على يعني  
اذاي التواضع اه مفيد. وطبعا النبي صلی الله عليه وسلم لما قال ايه؟ ما تواضع احد لله الا رفعه الله - [00:15:02](#)

اللي بيتواضع ويعرف انه جاھل بيتتعلم امته بتتعلم لما تقول لو احد علمي عشان عندي جهل وده بسبب تواضع اللي فاکر نفسه  
فاهم وعارف ومش عايز يبین انه مش عارف بيتتعلم ما بيعرفش يتعلم. بيبقى عنده کبر على العلم. کبر على العلماء - [00:15:18](#)  
مش قادر يخلي واحد اقل منه يقول له حاجة التواضع الاعتراف بالجهل. وده بيساعدک على انه تتعلم خد التانية دي. من

التوابع انه تقليل نصيحة وده يساعدك على انه تتحسن - 00:15:37

سوانی انت بس مش فاهم هو قال لی ایه خلاص انت کده خلصت. اانا اانا ضد النصيحة - 00:15:51

التواضع انك تسمعها بجد مش تسمعها بس. جزاک الله خير تسمعها تقول ايوة انا لعبت ايه وريبني قل لي كده وتبقى بتدور على على العباء في حد قال لك حاجة بتحاول بجد تلاقيها جواك عشان بس تقول لنفسك خلاص يبقى ده بيساعد - 00:16:05  
قد ايه؟ وده ما بيحصلش من غير تواضع. من التواضع انك تعذر لما تغلط تقول انا اسف اني عملت كذا. وده بيساعد على انه العلاقات تبقى كويسة والكبر يمنع كتير الناس من انها تعذر - 00:16:21

وبالتالي بيوصل لانه الواحد بيخرس ورصيد عند الناس. فشوف التواضع بيساعد. انا اديتك بس تلات صور للتواضع. عشان تفهم التواضع ده بيرفعك قد ايه آآ ده نص كلامه الاولاني ها؟ اي بنبي انت اليوم افضل مني قد بلغ من امرك ما اري. بعد كده قال له ايه -

وانك ستبتلني فان ابتليت فلا تدل عليه. بوصوا يا جماعة النبي صلى الله عليه وسلم حتى لهم الحديث ده عشان الجملة دي الحديث ده بيتقال للصحابة وبيتقال لنا عشان الجملة دي. بوصوا الحديث ده بيقول ايه من الآخر؟ بعيدا عن التفاصيل الكثيرة - [00:16:54](#) - بقولوا ان فيه واحد اختار رينا ابتلاه عشان يختبر صدقه بس هو ده الحديث يعني هو ده هو هي دي الرسالة الأساسية هو ده [00:17:13](#) الدرس الأساسي اللي في الحديث -

ان انت هتمشي في الدنيا. فالسحر والراهب دول مين؟ دول الخير والشر دول الطاعات والمعاصي. هتمشي ده الدنيا والآخرة. انت ده اللي بيحصل لك في الدنيا. هتشوف ده وهتشوف ده. هتشوف طريق الشيطان وهتشوف طريق رينا - 00:17:28  
واهديناه النجدين. هتلacci ده وهتلacci ده اما شاكرا واما كفورا. هتلacci ده وهتلacci ده وربنا هيوريك ده وهيقيم عليك الحجة. وهيبيعت لك الرسائل الواضحة ولما بيجي واحد بقى الحديث ده ما بيتكلمش على اللي هيمشي في طريق الشيطان ده واحد خسر واصلا مش موضوعنا. لما يجي ناس زي الصحابة يتعرض عليهم الدين بعد ما شافوا الكفر والايمان - 00:17:42  
الجاهلية والاسلام ويختاروا طريق النبي صلى الله عليه وسلم. الحديث ده بيقول لهم ايه بقى انك ستبتل انك ستبتل. وهنا الراهب بيقول له بشكل نزري نزري ها بيعلموا القاعدة نزريا - 00:18:09

سنة ربنا في انه بيتللي عزيتك. وصدقك واحلاصك لما تقول له انا عايزك يا رب والابلاء اللي هيحصل لك ده هو اللي انت مش عايزه  
يحصل لك. هيحصل ايه للصحابه؟ هتعذبوا وهتتأذوا وهتشردوا وهتضطروا - 00:18:26

من بيوتكم وهتنفوا وفي منكم هيموتوا كمان. هي التي تكره طب ليه اكره عشان يبقى اسمه ابتلاء يا رب انا عايز طب تخيلوا معي  
كده ها ربنا خلق الخلق. مين عايز الجنة؟ انا عايز الجنة. طيب خلاص خد الجنة - 00:18:45  
طب ما يخلقنا طب ما ما يخلقنا في الجنة على طول احنا هنا بنعمل ايه احنا هنا عشان لما تقول انا عايز الجنة يقول لك ايه وريني  
بس وريني دى عشان توريه - 00:19:00

يعني تخيلوا مسلا كانت الطريق مسلا اصلا آآ وريني فانت ما فيش حاجة اصلا بتعملها فيها تعب ولا جهد ولا بزل ولا تضحية ولا ترك  
يبقى انت اصلا مين اللي قال انك بتعمل اللي بتعمله عشان الجنة مش يمكن مش انت اصلا بتعمله عشان بتحبه يبقى مش عشان  
الجنة. فكان لازم وريني دي تبقى بالعكس - 00:19:12

كان لازم يورييني دي تبقى في اللي انت لو عملته يبقى انت عايز الجنة. ما فييش مبرر تاني انك تعمله واحد بيضحي بلزة قدام عينه اهي ممكن يمسكها دلوقتي حالا وبيسيبها. ليه مجنون؟ لأن - 00:19:32

بس هو بيسبب لربنا حاجة يعني واحدة دلوقتي ربنا خلق لك الجمال خلأ للجسم خلق لك شعر وقال لك ما توريهوش لولا واحد. الا  
شوية محارم اب وابن واخ وحال وعم وزوج وحما - 00:19:49

لربنا هي عايزه ايه واحد بيصحى الساعة خمسة الفجر - 00:20:08

حد يصحى الساعة خمسة الفجر يعني انت لسه نايم الساعة واحدة اتنين وتصحى ومش قادر وتعبان ويتوضا بالمية ساعات الساقعة وممكن ينزل كمان المسجد في البرد ده مجنون! لأ ده بيسبت لربنا حاجة. انك ستبتل. اوعى تفتك انه انت هتكلم بس. الراهب هنا بيقول له والنبي صلى الله عليه وسلم بيقول - 00:20:24

الصحابه والوحي بيقول لنا اللي هيختار ما بين الراهب والساحر كده فهمنا الراهب بيمسل ايه والساحر بيمسل ايه. اللي هيختار الطريق الراهب اللي هيختار الراهب بعد ما ربنا يوريه لا يبتلى - 00:20:47

ولما والله العزيم اول مرة اتعرضت للحاديis ده وانا باقول له يعني انا مش حاسس ان انا مبتلى قال لي هتقتل والحمد لله يعني شفنا يعني ايه ابتلاء لو ربنا قال كده ام حسبتم ان تدخلوا الجنة؟ يعني خلاص كده يعني؟ ولما يعلم الله لما يعني عارفين اللمة - 00:21:01

يعني لم يعلم وسيعلم. يعني يعني يقول لك مسلا لما انت تقول لي انت وصلت اقول لك لما لما وصلت يعني انا ما وصلتش بس انا جاي انا في الطريق خلاص فهمتم لما جه يعني ايه - 00:21:23

فرربنا بيقول لهم ام حسبتم ان تدخلوا الجنة ولما يعلم الله الذين جاهدوا منكم ويعلم الصابرين. يعني انت فاكر انك هتخش الجنة وخلاص الله لسه ما شفش منك انك مجاهد وصابر عايز الجنة وهيشوف اهو هي بتليك - 00:21:35

ام حسبتم ان تدخلوا الجنة ولما يعلم الله الذين جاهدوا منكم ويعلم الصابرين. وطبعا سورة العنكبوت بتأصل للسنة دي نظريا. او حسب الناس ان يتركوا امنا وهم لا يفتنون ولقد فتنا الذين من قبلهم فلا يعلمون الله الذين صدقوا ولا يعلمون الكاذبين - 00:21:51

فبالله عليكم يا جماعة تفهموا الحاجة الوحيدة اللي الحديis ده بيقولها لنا. يعني الحاجة اهم حاجة الحديis ده بيقولها لنا اهم حاجة الحديث اللي بيقولها لنا اختار صح اختار الراهب - 00:22:08

آآبس لما تختار استعد طيب وكان الغلام يبرئ الاكمه هو الابرص وكان الغلام يبرئ الاكمه والابرص يعني ايه؟ كان مستجاب الدعوه يا جماعة. كان بيهمي الناس تقول له باقول لك ايه اشفياني. يقول له يا رب اشفياني - 00:22:22

يشفي باقول لك اشفياني. يقول له يا رب اشفياني. الغلام كان بيعمل كده ليه؟ الغلام مش بس بيساعد الناس. الغلام كان بيستخدم اللي ربنا اداه له ويسخره في هداية الناس. ازاى - 00:22:41

كان يجي له واحد يقول له انا عندي مرض وابني وتعبان فيقول له انت بتصلني انت مؤمن انت بتتحب ربنا انت طب حسن علاقتك بربنا وصللي وادعي وكده وانا هدعي لك معى. فالراجل يقرب من ربنا - 00:22:52

اه او يدعي له وربنا يستجيب. فالراجل علاقته بربنا تتحسن ودنيته كمان تتحسن. فبقى يمشي يعمل كده مع الناس. اللي عنده مشكلة يجي له يحلها له دين والغلام يستغل الموقف ده بان هو يخليله يسلم. يخليله يؤمن يخليله يقرب يخليله يتوب. تخيلوا! غلام عزيز - 00:23:07

وكان الغلام يبرئ الاكمه الابرص ويداوي الناس من سائر الادواء فسمع دى شخصية رابعة معنا. سمع جليس للملك. يعني ايه؟ واحد من اللي بيقعدوا مع الملك. واحد من الراعية. واحد من من عيلته. واحد من من الملا - 00:23:28

بس سمع الموضوع قالوا له ده في واحد في البلد ماشي يعمل كذا كذا فسمع جليس للملك كان قد عمي اعمى قال لك هاته لي انا محتاجه فاتاه بهدايا كثيرة. راح جاب له شوية حاجات كده في الدنيا كتير اوبي. فقال ما ها هنا لك اجمع. ان انت شفيتنى - 00:23:43

آآ قال اني لا اشفي احدا. هو قال له انا اصلا مش انا اللي باشفي. قلت لكم هو بيعمل ايه؟ هو هو بيدعو لله. قال اني لاشفي احدا انما يشفي الله - 00:24:05

فان امنت بالله تعالى دعوت الله فشفاك فامن بالله تعالى فشفاه الله تعالى فطبعا بوصوا اول حاجة عايزين نتعلمها بص ما ها هنا لك

اجمع فاتاه بهدايا كثيرة هي لغة اهل الدنيا هي الدنيا - 00:24:14

يعني هو لغة اهل هم هو الرجال مش شايف وسيلة تجيب الغلام غير الدنيا. هم هو الدنيا خلتهم كده. عشان كده لازم ان انت تغض بصرك عن الدنيا - 00:24:33

وعن اهل الدنيا انت لو قعدت معهم شوية بتتأسر بكلامهم. انت لو بصيت على الدنيا شوية بتتأسر بها. عشان كده ربنا قال لنا النصائح دي. قال ولا تمدن عينيك الى ما متعنا به ازواجا منهم - 00:24:43

ما تمدش ما تبحلقش ما تبصش ما تقدرش تبص هي فين الدنيا وربني الدنيا دي وتخش لأ بالعكس غض بصرك ربنا قال النبي صلى الله عليه وسلم فلا تعجبك اموالهم ولا اولادهم. انما يريد الله ليعذبهم بها - 00:24:58

فدي مشكلة اللي بيعد عينه للدنيا اللي بيقدر كتير مع اهل الدنيا اللي بيقدر تقدر تسمع لفيديوهات والى الماسك والجيف بيذوذب ومش عارف مين عمل فلوس قد ايه واللي بيعمل فلوس وانا بسمع الحاجات دي الفترة اللي فاتت بقيت افكر في الفلوس ليه؟ عشان عمال اسمع لبتوغ الفلوس وهم بيتكلموا على الفلوس انت كده انت عامل لسة - 00:25:12

ايه اللي حصل؟ اما قارون خرج على قومه في زينته خرج على قومه فبقيت الناس تشوف اللي عنده اول ما عندهم جت على اللي عنده قال الذين يريدون الحياة الدنيا يا ليت لنا مثل ما اوتى قارون انه لذو حظ - 00:25:32

عظيم. فهنا الموضوع فين؟ ما تبصش للدنيا ما تبحلقش للدنيا وما تمدش عينك فيها. غض بصرك عن الدنيا ما تختكش باهل الدنيا اللي قلوبهم ما فيهاش غير دنيا عشان انت نفسك تفضل تفضل سليم تفضل نظيف - 00:25:48

اه وعشان كده يا جماعة لو هكلمكم في واجب عمل صريح صريح اقول الانستجرام من الآخر لا هاقول لك بقى فلتري صفحات الموديلز وانا هقول لك اعمل انفولو للعيال بتاعة الجيم. ولا هقول لكم آآآ خفف من انك تقدر تبص على الناس اللي فلوجرز اللي بيسافروا وبيقعدوا يلفوا العالم - 00:26:07

الانستجرام ده من انجح واقوى الادوات اللي بتخليك تروح للدنيا. على فكرة مش بتكلم على الحنة كمان الحرام اللي فيه. والعري. مش بتكلم انا بتكلم عالدنيا بتكلم عالعربيات و بتكلم على اللبس و بتكلم على الموضة و بتكلم على الموديل و بتكلم عالجسم الجامد و بتكلم عالسفر و بتكلم عاليبيوت - 00:26:31

الدنيا الانستجرام هو اصلا وسيلة فيجوال. هو معمول يعني تويتر تويتر ما فيهوش صور ما فيهوش فيديوهات تويتر كلام تويتر الانستجرام معمول عكسه ما فيهوش كلام كله صور وفيديوهات. بتعرض ايه الصور والفيديوهات؟ بتعرض دنيا - 00:26:53

فانا مش شايف له اي لازمة ولا اي اهمية اي حاجة انت عايزها موجودة في حنت غيره انا شايف له ضرر ضرر شديد انا مش بحرم انا بتكلم دلوقتي في تزكية. الواجب العملي - 00:27:12

مش هقول لك والله قلل انا هقول لك اقفله تماما خليني واضح معكم تاني حاجة عايزين نتعلمها هنا اسم الله الشافي اصل الاسم ده يا جماعة احنا ما يعني لو جيت سألت الناس انتم يا جماعة يعني عمرك سمعت درس عن اسم الله الشافي هتلaci يعني قليل - 00:27:27

لا الاسم ده ما مش فاكر ان انا عديت عليه، مش فاكر ان انا آآآ احتككت باسم الله الشافي فاسم الله الشافي هنسمع هنسمع عنه درس برضو او هنقرأ حنته في كتاب عنه - 00:27:46

عشان نتعلق بيه اكتر ومن الاسماء اللي للأسف الناس آآآ بعده عنها يعني آآآ فده من الواجبات العلمية اللي هنا خدتها يعني اه انما عايزك كمان تتعلم اه سنة الغلام علمها لها هنا واتعلمناها كتير قوي قوي. سنة في معاملة ربنا لنا - 00:28:02

ان العبودية طريق انك تاخذ الدنيا بس بشرط ايه الدنيا دي تبقى هتساعدك انك تروح للجنة تاني اللي هيعبد ربنا هييدي له الدنيا بس بشرط انه الدنيا دي تبقى هتساعدك يخش الجنة - 00:28:23

يعني اللي هيعبد ربنا هييدي له الدنيا اللي تساعده يخش الجنة فاهمين يعني اللي مش هيعبد اللي مش هيعبد كان في دنيا ينفع ياخدها ومش كانتش هتبظه بس مش هيأخذها - 00:28:43

وب Russo ممکن واحد يعبد بس فيه دنيا معينة ما ياخدهاش عشان دي كانت هتضييعه فاهمين يعني ايه؟ هو الراجل عايز حاجة من الدنيا عايز يشوف عايز يشفى قال له ايه؟ قال له فان امنت بالله دعوت الله فشفاك. يعني لو عبدت ربنا - 00:28:58

هيشفيك هتاخذ دنيا وده موجود وقال سيدنا هود ايه ويا قومي استغفروا ربكم ثم توبوا اليه ها؟ يرسل السماء عليكم مدرارا ويزدكم قوة الى قوتكم. بص بيقول لهم ايه؟ هتاخدوا - 00:29:19

دنيا هو مش بيضحك عليهم. هو مش غلط هو ده حقيقي. وسيدنا نوح طبعا فقلت استغفروا ربكم انه كان غفارا. ها يرسل السماء عليكم مدرارا ويمددكم باموال وبنين ويجعل لكم جنات ويجعل لكم انهارا - 00:29:32

دنيا وهو ربنا قالها صراحة ربنا قال من كان يريد ثواب الدنيا ربنا اصلا قال لي عايز الدنيا فعند الله ثواب الدنيا والآخرة. وكان الله سميا بصيرا. مين اللي يعبد؟ فاديها له. بس مش هدي له اي حاجة وخلاص. مش هدي له حاجة تضيع له الجنة وتدخله النار - 00:29:46

عشان كده النبي صلى الله عليه وسلم النبي صلى الله عليه وسلم في اذكار الصباح والمساء كان بيدعى بالدنيا قال النبي صلى الله عليه وسلم مسلا في احد الازكار عارفينها اصبعنا واصبح الملك لله رب العالمين. كان يقول ايه؟ اللهم اني اسألك خير هذا اليوم وفتحه ونصره ونوره وبركته ودها. هي دي دنيا - 00:30:04

هي دي حاجات في الدنيا بس عشان كده تبقوا التوازن بيجي لما النبي صلى الله عليه وسلم تعرف برضو انه كان بيقول ايه؟ اللهم اني اسألك من الخير كله عاجله واجله ما علمت منه ما لم اعلم واعوذ بك من الشر كله عاجله - 00:30:20  
واجله ما علمت منه ما لا اعلم. يعني ايه؟ يعني الخير بس يا رب. الشر مش عايزه. يعني فيي الاخر لو انا هعبد عشان تدينني الدنيا. انت بقى يا رب ايه؟ عايزين يحصل فلتة كده فالدنيا - 00:30:32

ما تجيلىش برضو فانت ساعات تعبد وتقول لربنا اشفياني وما يشفيكش. اه اعرف بقى ان الشفاء ده كان مش حاجة حلوة لك. ولا لاخرتك بس لو عايز تشفى لازم تعبد. وبعد كده ربنا يقدر تشفى ولا لا مش بناء على انك عبدت ولا لا. خلاص انت عبدت بقى فيه احتمال تشفى - 00:30:42

طب الشفاء ده خير ولا شر؟ ساعتها بقى انا اخش في المرحلة دي بس اعرف انه العبادة هي اللي بتجيبي دنيا. تعالوا نرجع نكمل الرجال بقى عنده عينين وبيشوف يعني. فاتى الملك اللي هو الجليس ده فجلس اليه - 00:31:02  
كما كان يجلس اليه فالملك فتح وبيبص فقال من رد عليك بصرك! ايه ده ايه اللي حصل لك مين اللي خلاك فاما انه الجليس ايه ربى قام الملك قال له ايه؟ ولك رب غيري - 00:31:16

بيتجنوا بيوصلوا لمرحلة جنون عزمه قال ان بص الجليس قال له ايه؟ ربى وربك الله. لا انت طلعت انت اللي فاهم غلط. ده ربى وربك الله فاخذه فلم ينزل يعذبه حتى دل على الغلام - 00:31:30  
ما هو مين اللي قال لك كده؟ قال له يا عم مين اللي عمل لك كده؟ وفضل يضربوه لحد ما يقول لهم فيه هو غلام هو اللي عمل اللي بيشفي وكده - 00:31:46

ليه حصل الصدام يعني ليه الغلام اتكشف ليه يا رب قدرت ده عشان هو قال انك ستبتل في ابتلاء لازم يحصل لك فما تجيشه تتكلم في الزروف بالعكس انت لازم تشاهد القدر. يعني انت انا فاهم يا رب ان ده قدر. انا فاهم ان هي عاجلا او اجلنا ده كان لازم - 00:31:54

بيحصل عشان انت تحطني في الموقف ده عشان انت تشووف مني اعلى بقى يعني اعلى كده في النضج والعمق بتاع ايمانك وانت بتفهم في عبوديات الابتلاء لازم تظهر. بقى لازم الابتلاء يحصل. بقى لازم القدر يتحرك - 00:32:16  
فجيء بالغلام شف الابتلاء هبيداً اهو شف انا عايزك تتخيل بس مع الصحابة قاعدين بيسمعوا ده دلوقتي ها. الصحابة بيسمعوا ده وهم عايشين الابتلاء ده وبيتقال لهم على نموذج عاشوا زيه عشان يقروا زيه - 00:32:35

واحنا نفس الكلام فجيء بالغلام فقال له الملك ايبني قد بلغ من سحرك ها خلي بالك هو لسة هو هو الراجل لستة عايش في

الوهم انه ايه - 00:32:50

انه ببوديه للساحر وكده فجيء بالغلام فقال له الملك ايبني قد بلغ من سحرك ما تبرى الاكمه والابرص وتفعل وتفعل وقال اني لا اشفي احدا انما يشفي الله تعالى - 00:33:05

فاختذه فلم ينزل يعذبه حتى دل على الراهب. الراهب اللي قال له ايه؟ اللي قال له فلا تدل عليه ما قدرش يستحمل عشان تفهم هو اتعزب قد ايه وابتلى قد ايه. عشان تفهم ان الراهب الراهب لما قال له انك ستبتل - 00:33:23

هو كان بجد هيبيتلى والفعل ابتلى لحد ما عمل حاجة استكره عليها. يعني بالاكراه يعني ما قدرش فجيء بالراهب فقيل له ارجع عن دينك. فابي فدعا الملك يعني فدعا بالمنشار - 00:33:40

فوضع المنشار فين؟ فوق مفرق رأسه فشقه حتى وقع شقاها منزرا عمرى ما من عمرى ما شفت ولا هتخيله في حياتي ثم جيء بجليس الملك فقيل له ارجع عن دينك فابي - 00:33:59

فوضع المنشار في مفرق رأسه فشقه به حتى وقع شقاها من افع المشاهد اللي يتوصف لنا دلوقتي مشهد من افع المشاهد ولكن زي ما الحديث فوق قال لنا على لسان الراهب - 00:34:19

اه اه بشكل نظري ايه هي السنة اللي هي سنة ربنا في الابتلاء يعني. دلوقتي بيوضح لك ايه هي بشكل عملي. بيوريك سنة ربنا في انه بيتبلي عزيمتك وصدقك واحلاصك - 00:34:37

لما تقول له انا جاي لك يا رب وعايز الجنة ومش هيكسب ساعتها الا اللي هيصدق ويبدل ويضحى ويترك ولازم ومن المشهد ده انا كنت بقعد اسأل نفسى كتير قوي قوي انا متخيل المشهد ده بيحصل للراهب والغلام. ما كنتش متخيل انه يحصل للجليس -

00:34:53

بالنسبة لي الجليس ده واحد قليل قوي ايمانا يعني. مقارنة بالراهب والغلام ازاي يا رب ده كمان يحصل له كده لان هي السنة دي شاملة لكل فرد من افراد الامة. اي واحد هيقول لربنا انا يا رب عايز الجنة ومش عايز النار وعايز ابقى - 00:35:14

عبد وقررت ابقى مسلم وموافق ان انت رب وعايز ابقى بوحدك ربنا هيبتليه في الآخر كل واحد هيبيتلى على قدره. واحنا اللي مش عارفين الجليس ده وايمانه انما ما فيش حد هيتساب الا وهيتخط في امتحان - 00:35:33

فانت هتتحطى في امتحان وانت هتتحط في امتحان هتبتل على ان انت تحافظ على على مسلا تقواك وورعك في الفلوس الحرام عن الفلوس الحرام هتبتل انك هتتنزق في فلوس وانت هتبتل بان انت آآ طب اقلع الحجاب ويمكن وهتبتل بان انت آآ جوازك يتأخر فتفكري في الافكار دي - 00:35:52

وانت هتبتل بان الصلاة تفضل تقيلة عليك وتفضل برضو لازم تصحي وتصلى. وواحدة هتبتل بالشهوة واطلاق البصر وهتبتل بانها برضه تتعرض لانها لازم تغض بصرها. ما فيش حد مش هيبيتلى. ما فيش صادق مش هيختبر صدقه. قال الله ليسأل الصادقين عن - 00:36:17

بصدقهم ما فيش حاجة لو كانت بالكلام انا كنت هبقى اول واحد يخش الجنة لو كانت بالشعارات لو كانت بالكلام لو كانت انا والله العزيم احسن واحد يتكلم في الدنيا دي - 00:36:37

لو انا فعلا هقول بس انا عايز ايه وممكن اعمل ايه وناوي على ايه واستناني بس ولا يراني اللهم اصنع وعجلت اليك لطرد انا احسن واحد يعمل شعارات ولا ابرى حتى ابلغ. انا اقولها ده. انا تعال نتحط في الموقف - 00:36:55

ونشوف تمن الجنة في الموقف في الصدق نفسه مش في اللي بيتفاول وانت قاعد في التكيف كده انا كنت بقول ايه العلاقة عشان عشان في بنات بتقلع الحجاب عشان يعني الناس تبص عليها فتعجب راجل فتتجوز يعني. حاجة كده غريبة يعني واحدة فاكرة انه القدر - 00:37:14

والرزرق ده بايد الشيطان فبتفكر كده. فبتبتلى بتبتلى بتتأخير جواز عشان هتصبri ولا ولا هتتنازلي ده بيحصل يعني انا بدبي امسلة كتير لازاي ربنا ممكن بيتبلينا وبيتبلينا وهل انت صادق - 00:37:35

آآ و هتستحمل و هتضحي اصل لو قلت لكم قبل كده الابتلاء مش هييجي على هواك والا ده مش ابتلاء هتبقى بتعمله مش عشان الجنة  
بتعمله عشان انت عايز تعمله انما الابتلاء هييجي عشان تعمل حاجة انت مش عايز تعملها - 00:37:55

يعني احنا يا جماعة في الجنة مش هنصللي عشان فعلاً الصراحة الصلاة حتى لو فيها لزة هي فيها مشقة الجنة مش هصوم. حتى لو  
الصيام بيرريحك الصيام فيه اعباء في الجنة مش هطلع صدقة لأن انا آآ هنا حتى لو الصدقة والبركة الفلوس دي عزيزة علي. الجنة ما  
فيهاش عبادة لأن انا بعملها هنا عشان بس اسبت لربنا كده - 00:38:10

خليك واضح خليك واضح مع ربنا ومع نفسك. انت لو مش عايز تبعد ما تبعدش بس ما تبعدش تقول انا عايز جنة يعني امشي في  
طريق الساحر من الاول وخلاص انما طالما قلت انا عايز امشي في طريق راهب اعرف ان ربنا - 00:38:30

هبيتليك استعد النبى صلى الله عليه وسلم بشرح لهم الحديث ده عشان يقول لهم اللي مشي في الطريق ده استعدوا للابتلاء  
استعدوا للابتلاء وده كان دايماً النبي صلى الله عليه وسلم يكلم الصحابة في ده - 00:38:42

الصحابة كان عندهم الصدق ده وصلوا للصدق ده. اتربوا التربية دي هو يا جماعة اللي حصل للغلام حصل للصحابه اختاروا الطريق ده  
واتربوا على السنة دي فاتحطوا في الموقف ده فنجحوا. وده قلت لكم خلاص الحديث واهم درس فيه - 00:38:59

زي ما الرجال جاء للنبي صلى الله عليه وسلم جاء من الاعراب وجاء الى النبي صلى الله عليه وسلم فامن به واتبعه وبعد كده قال له  
انا ههاجر وهاجر مع النبي صلى الله عليه وسلم وبعد كده كان في غزوة وغلب النبي صلى الله عليه وسلم سيبا بقى عنده غنائم كتير  
فقسم وبدأ يقسم وقسم له ده قسم الرجال - 00:39:14

فلان اللي قعد معنا. فاعطى ما قسم له وكان يرعى ظهرهم. يعني هو كان يرعى معهم بس في الجيش بيررعى ايه؟ بيررعى يعني  
الحاجات بتاعتهم المهم يعني فلما جاء دفعوه اليه. افضل ادي قسمتك. قال ما هذا؟ انا ما اتبعتكش على ده رسول الله. يقول له دي  
قسمتك. قال ولاني لكتني اتبعتك على ان ارمى الى ها هنا - 00:39:31

واشار الى حلقة بسهم. انا جاي معك عشان دي سهم تخيلوا هم بيقولوا كده. انا على فكرة انا جاي اخرج معك جهاد عشان بس يقوم  
ايه واحد من الكفار رامي - 00:39:51

فهمي فيجي هنا بزمتك اللي يقول كده ده مش تحسه كلامجي وبيعمل افلام انا احسها كده والله قال له بقول لك ايه انا معك عشان  
لما يجي سحب بقى ويجي لي هنا فاموت وادخل الجنة. ده ده بيمسل ده فيلم اكشن - 00:40:01

انما والله الرجال ما كان بيحور هو ده اللي جواك. قام النبي صلى الله عليه وسلم قالها له قال له مش بالكلام. قال له ان تصدق الله  
يصدقك. قال له وانت صادق هتصدق. ما تقلقش يعني. دول كلام وخلاص خلاص هيفضل يقول كلام وخلاص - 00:40:15  
خلاص فلبيتوا قليلاً ثم نهضوا في قتال العدو فاوتي به النبي صلى الله عليه وسلم يحمل. وقد اصابه سهم حيث اشار لدرجة النبي  
صلى الله عليه وسلم كان مستعجل ها هو هو - 00:40:27

يعني يا جماعة هو اللي قال نفس الكلام حصل معه بجد نفس الموقف؟ عشان كده اقول لهم صدق الله فصدق هي دي هي دي  
الخلاصة يعني ثم جيء بالغلام هو الملك اخره ليه؟ هو ما بدأش به ليه - 00:40:42

وقيل له ارجع عن دينك. فابي طب ما شقوش ليه زيه فدفعه الى نفر من اصحابه. شوية جنود وقال اذهبوا به الى جبل كذا وكذا  
فاصعدوا به الجبل. فاذا بلغتم ذروته آآ الجبل يعني ذروته. فان رجع عن دينه خلاص يعني ينزلوا - 00:40:59

والا فاطرحوه الملك مش عايزه يموت الملك ما بدأش به مش عايزه يموت الملك خلاص يشوفهم وما قتلوش مش عايزه يموت. وداء  
عشان يهدده ويخوفه ومش عايزه هو عايزه يرجع له - 00:41:19

ويبقى معه وسائل اهل الباطل دي بتكشف لك الباطل يعني احنا عندنا وسائل واضحة جداً يعني الغاية لا تبرر الوسيلة هم عندهم  
غيارات ممكن يعمل معها وسائل اللي بتعمله ده غلط. يعني انت لو بجد صاحب حق ما تعمليش كده. هو هو بالنسبة له انا مش صاحب  
حق - 00:41:34

انت بقى لما بتشفى الوسائل دي بعينك بتقول ايه ده باطل. اللي يعمل كده مش صح فلازم تعرفها عشان لما تشووفها

تعرف الباطل واهله فراحوا به بقى فصعدوا به الجبل - [00:41:55](#)

وقال اللهم اكفيهم بما شئت. اكفيني يا رب الناس دي فرجم بهم الجبل فسقطوا وجاء يمشي الى الملك. فقال له الملك ما فعل اصحابك؟ هم فين وقال كفانيهم الله تعالى - [00:42:10](#)

دفعه الى نفر من اصحابه. فقال اذهبوا به فاحملوه في قرقرور يعني زي مركب كده. وتوسطوا به البحر. فان رجع عن دينه برضه مش عايز يموته والا فقففوه فذهبوا به فقال اللهم اكفيهم بما شئت فانكفأت بهم السفينة فغرقوا وجاء يمشي الى الملك - [00:42:25](#)  
قال له الملك ما فعل اصحابك؟ فقال كفانيهم الله آآانا محتاج هنا نقف وقفه مع آآالغلام والتربية اليمانية اللي ظهرت ثمارها عليه الغلام ده يا جماعة احنا قلنا بدأ الطريق بايه؟ سمع - [00:42:46](#)

خلاص سمع مرة لا الغلام ده قعد يتربى ايمانيا يروح ويسمع يشتغل على نفسه. ذهب يعالج نفسه ويظهر قلبه. فعمال يزرع ويستقي ويزرع ويستقي فالثمرة دي طلعت بانت هنا بانت بان هو شافهم بيموتوا - [00:43:09](#)

وثبتت. بانت بان هو لما اتحط في موقف افتكر رينا وقال له يا رب فربنا اعانه الغلام الغلام ما بقاش غلام. يعني هو غلام سنا بس. انما دلوقتي الغلام بقى ايه؟ الغلام بقى ولبي من اولياء الله. بقى من اعظم العباد - [00:43:28](#)

على الارض الكلام ده هل الغلام صحي لقى نفسه كده ؟ لأن التربية اليمانية وده واجب عملني لازم ناخده النبي صلى الله عليه وسلم قال بادروا بالاعمال. بادروا يعني ايه بادروا؟ يعني ايه الحق اعمل قبل حاجة - [00:43:45](#)

بادروا بالاعمال قال ايه سبعا. فيه سبع حاجات الحق اعمل قبلهم وقال هل تنتظرون الا فقرا منسيا؟ واحد رينا هيبتلية في رزقه ومش هيلاقى وقت وهيقعد ان هوا يشتغل ومش هيعرف خلاص مش لاقى وقت اصلبي - [00:44:05](#)

او غنى مطغيا او الفلوس تشغله برضه. او مرض مفسدا واحدة يجي لها مرض وما بقتش عارفة تصوم زي زمان. او هرما مفندا. يعني واحد كبر في السن فمش قادر ينزل المسجد. او موتا مجها او الدجال فشر غائب ينتظر او الساعة والساعة ادهي وامر - [00:44:20](#)  
يعني النبي صلى الله عليه وسلم بيقول لك الحق اشتغل لان انت في وقت فيه مش هتقدر تشتغل والوقت ده هتبقي محتاج نتيجة الشغل. فيا اما تبقى اشتغلت هتاخذ نتيجة يا اما هتبقي واقف - [00:44:39](#)

خلاص للاسف انت مش قد اللي انت فيه. وده اللي النبي صلى الله عليه وسلم قاله في حديث تاني. بادروا ايه بقى؟ بادروا فتنا. بادر الفتنة الحق قبل ما الفتنة تيجي - [00:44:52](#)

بادروا فتنقطع الليل المظلم يصبح الرجل مؤمنا ويسمى كافرا او يسمى مؤمنا ويصبح كافرا بيعي دينه بعرض من الدنيا واحد ما كنش جاهز والفتنة جت خلاص انت ما حدش هيستناك. القطر مش هيستناك. الابتلاء جاي - [00:45:02](#)

يا تبقى مستنيه ومستحمله ومنتظره يا هتقع وده اللي حصل لربنا قال عنهم ايه؟ عن اهل الكتاب وحسبوا الا تكون فتنه فعموا وصموا انما اترفج على المسلمين في غزوة الاحزاب. ولما رأى المؤمنون الاحزاب لما شافوهم لما الفتنة زهرت قدامهم كده قالوا هذا ما وعدنا - [00:45:19](#)

الله ورسوله وصدق الله ورسوله. انا مش مصدق الجملة دي. واحد شايف جيش قدامه والجيش ده فيه عشر تلاف واحد وهو محاصر هل هو ده اللي رينا قال لنا هيحصل. انت انت ازاي انت انت ليه بتتكلم كانك يعني مش مبتلى لا انا مبتلى بس انا ايماني مجهازني جدا للمرحلة دي - [00:45:42](#)

انا فاهم كويس اووي ان رينا قال لنا هتحط في موقف تستضعف ويجي ناس ويحاولوا يغلبوك وهتنتصر بيعامل مع موقف كأنه خلص وهو لسه ما بدأش بس كان جاهز الغلام كان جاهز - [00:46:01](#)

والصحابة كانوا جاهزين وبناء اليمان لو ما حصلش هتخسر كتير وقت ما تبقى محتاج ثمرته وعشان كده عايزك كواجب عملني نتربى ايمانيا. يعني ايه نتربى ايمانيا؟ بضم بقى اليمان ده مشاعر - [00:46:15](#)

وعلاقة مع ربنا وحاجة ربنا بيقذفها في القلب اليمان ده اللي هو يا جماعة بوصوا اليمان ده انك تحب ربنا وتخاف من ربنا وترجو ربنا وتتوكل على ربنا وتؤمن في في وعد ربنا وتخاف من النار وتحب الجنة - [00:46:29](#)

استشعر القبر المشاعر دي والمعاني دي والعبادات دي دي ربنا ربنا اللي بيرزقك بها ويديها لك. ازاي نتيجة اجتهاد في العبادة واضح  
كلامي؟ يعني ايه؟ هتصوم كتير وتصلی كتير وتقوم مش كتير بس وتقوم كويس وتقرأ قرآن وتعمل اذكار وتعمل زكر ربنا يديك ايمان  
بسبيب 00:46:43

العبادة بتجيip ايمان. الایمان ده انت بقى تنزل في الشارع تحتاجه وده اللي حصل مع الغلام. طب ايه الواجب العملي؟ عايز منه لو  
سمحت عبادة واحدة وانت المفروض بنقى منك ده يحصل بعبادات كتير. عايز منك عبادة واحدة تقول يا رب انا دي - 00:47:06  
ببني بها ايماني معك ببني بها ايماني بالدين وبكم بالآخرة. يعني ايه مسلما؟ يعني انا مسلا قلت عبادات خليني اقول الصيام. انا الصيام  
يا رب انا هصوم كل يوم اتنين وخميس - 00:47:24

خلاص بنية تزكية النفس والتربية وياب ادين ايمان على ده في واحد كده انا بابي لبناء الایمان الصيام في واحد يا رب انا كل يوم  
هصللي قيام نص ساعة حلوة نص ساعة بفتح مصحف وبقرأ ربعين ثلاثة وبسبح كتير وباسجد بطول - 00:47:36  
نص ساعة ركعتين او اربع ركعات انا ببني ايماني بهم يا رب ممكنا الزكر واحدة يا رب انا بصللي الفجر كل يوم واقعد الجلسة دي  
بمسك السبحة واقعد اتدير الذكر والازكار كل يوم عندي وجبة كده ساعة ببني فيها ايمان يا رب - 00:47:55  
ممكنا الصلاة ممكنا حد كده بابه الصلاة انا عايزك تختار عبادة اتنها هداوم عليها اعملها كويس هعملها صح هستمر فيها واعملها كتير  
تبقى دي حاجة يا رب ان شاء الله ابني بها ايمان - 00:48:12

اتفقنا؟ ده الواجب العملي على فكرة احنا قلنا واجبين عمليين لحد دلوقتي اقفل الانستجرام وتبني ايمانك من خلال اعداد وقلنا  
واجب علمي لحد دلوقتي انك تسمع هتقرا اسم الله الشافي او تسمع اسم الله الشافي - 00:48:28  
وهو قول لكم يعني حاجتين يعني اللي عايز يسمع او عايز يقرأ ما تفتكروش ان احنا بنتكلم وخلاص وقال للملك ده اللي هو مين؟ الغلام  
ما هو رجع له بيمشي الو انت يا عم فين الناس؟ فين الجنود؟ عمال تضيع لي في جنودي. فين الناس - 00:48:44  
آآ قال للملك انك لست بقاتلني حتى تفعل ما امرك به قال ما هو؟ اه هو خلاص الملك بقى دلوقتي بص انا عايز اموتك بصراحة. لا  
عايزك معى ولا انا عايز اموتك. عايز اخلص منك. انا اصلا مش عارف اموتك - 00:49:02

قال تجمع الناس في صعيد واحد. وتصلبني على جذع ثم خذ سهما من كنانتي ثم ضع السهم في كبد القوس الناس ها لم الناس ماشي  
وحطني واسلبني وخد سهم واعمل كده في كبد - 00:49:17  
ثم قل باسم الله رب الغلام ثم ارميني. فانك اذا فعلت ذلك قتلتني تخيلوا بقى الملك عمل كده يعني وانت بتسمع معى دلوقتي  
مستحبيل تعمل كده ده انت فاهم كويس قوي اللي هيحصل عملت كده. قام عمل كده - 00:49:32  
هو ده يا جماعة الفرق ما بين المخلوق والخالق. انت انت محترق دلوقتي فعل المخلوق. بس صدقني الحرب لما بتبقى بين بين  
ربنا وبين حد الحد ده بيعمل كده - 00:49:50

يعني فرعون انا مش مصدق انه شاف البحر بيتفتح. يعني شاف سيدنا موسى عمل كده فشاف البحر الاحمر يا جماعة مش انا زمان  
كنت فاكرها البحر اللي هو حاجة قدي زي ايدي كده. بعد كده تقف قدام البحر وتتخيل البحر ده ممكنا تبقى مسلا الطود ده اللي هو  
يعني الناحيتين - 00:50:02

بتوع البحر ممكنا تبقى كيلو هي هتبقى كيلوهات لفوق يعني انت ممكنا ما تشوفش اخره اصلا. ماشي؟ فهو لقى ايه فرعون لقى ايه؟  
لقى سيدنا موسى عمل كده ولقى البحر بيعمل كده ولقى مية - 00:50:17  
واقفة كده وماية واقفة كده ولقى بنى اسرائيل ماشيين كده قام عامل ايه؟ قام ماشي وراهم يا عم هو انت عبيط! هو انت مش  
فاهم انه يعني انا بجد ما انا عارف انه البحر هيقول عليه. باینة اوی. هو انت مش عارف ان اللي عمل كده آآ الله موسى! ما انت عارف.  
انت ازاي انت ازاي - 00:50:27

عشان عشان اللي بيحارب ربنا ربنا خلاص يا جماعة بيطاطع بيخليه كده بيخليه بيخلي افعاله بالسفة ده انا مش مصدق ان فروان  
عامل فكر ومعي فيها اونلاين. انا مسلا لو لو انا ما هو انت بيحارب ربنا ده ما يفكروش. هاستنى المية واركب واركب آآ آآ -

آواركب اي مركب ونطلع وراهم انما اكيد يعني مش هنخش هي عمل كده بالعصاية. ما هو احنا شفناه بيعمل كده. يعني هو فرعون ازاي عمل كده مش اعصروا لنا مش عبيط مش تافه بس اللي بيحارب ربنا بيقلب لسفيه - 00:51:02

وكذلك الملك ده انت هتجيبيه وتجيبي الناس وتقوم قايل بسم الله رب الغلام بجد؟ اه فجمع الناس في صعيد واحد وصلبه على جذعه ثم اخذ سهما من كنانته ثم وضع - 00:51:16

السهم في جبل القوس ثم قال بسم الله رب الغلام ثم رماه فوق السهم في صدغه هنا فوضع يده الغلام قام عامل كده وضع يده في صدره فمات فوضع يده في صدره فمات - 00:51:26

فقال الناس امنا برب الغلام واتي الملك فقيل له ارأيت ما كنت تحدر والله نزل بك حضرك. شف اللي انت كنت خايف منه حصل. قد امن الناس فامر بالاخذود فجأة يعني عمل يا جماعة حفر كبيرة في النار. في الارض وولع فيها نار - 00:51:43

ولع فيها قتل عفين قتل اصحاب الاصدود اللي مش عارف يا جماعة صورة البروج بتتكلم عن القصة دي وشاهد ومشهود قتل اصحاب الاصدود النار ذات الوقود اذ هم عليها قعود اللي هم الجنود دول قاعدين وبيتفرجوا وهم على ما يفعلون بالمؤمنين شهود وما نعموا منهم الا يؤمنوا بالله - 00:52:06

العزيز الحميد الذي له ملك السماوات والارض والله على كل شيء شهيد فعمل ايه بقى؟ فقال لهم احفروا حفر كبيرة وولعوا فيها نار فامر بالاخذود بافواه السكك يعني في كل في الطرق يعني مش مش مش واحد بس - 00:52:26

ده ده اخاحديد كتيرة. واضرم فيها النيران. وقال من لم يرجع عن دينه فاقحموه فيها. او قيل له اقتحم ترجع لأ مش هرجع. نط في النار. فعلوا حتى جاءت امرأة ومعها صبي لها - 00:52:41

يعني جابوا آآ فضلت الناس تتنط والناس تترمي خلي بالكم احنا دلوقتي فاكرين القصة الاساسية آآ في راهب وفيه ساحر اللي هيختار الطريق ده هيبيتلن. الكلام ده حصل مع الراهب - 00:53:00

وحصل مع الجليس. وحصل مع الغلام. وبيحصل دلوقتي مع كل الامة. عشان قلت لكم دي سنة ربنا في الناس كلها. وادي توضيح عملي تاني للسنة. بعد ما الراهب قال له نزري والغلام والراهب والجليس اتعملت فيهم عملي. ادي الناس كلها بيتعمل فيها عملي. بيتجاب وبيبيتلن - 00:53:13

على صدقه وعزيزته. نفس الكلام وبيتجاب وجاءت امرأة ومعها صبي يعني ماسكة طفلها كده فتقاعست ان تقع فيها يعني جاية تتنط قامت قالت لأ وقامت راجعة كده. فقال له الغلام ربنا خلى الطفل ما بيتكلمش يتكلم. فقال لها يا اماه اصبري فان - 00:53:33

على الحق نفس الكلام بالزبط العجيب يا جماعة انه الحديث خلص يا رسول الله ايه اللي هيحصل؟ خلاص ما هم هو ده اللي حصل هو اللي يعني اخر حاجة قلتها - 00:53:53

هي اخر حاجة كان المفروض تتقابل ان هي صبرت على الابتلاء. بس خلاص عشان كده ربنا قال في سورة البروج ايه آآ ان الذين فتنوا المؤمنين والمؤمنات ثم لم يتوبوا فلهم عذاب جهنم ولهم عذاب الحريق. زي ما كانوا بيحرقوا هيتحرقوا - 00:54:09

ان الذين امنوا وعملوا الصالحات لهم جنات تجري من تحتها الانهار. ذلك الفوز الكبير الناس دي كسبت الغلام كسب الجاليس كسب الراهب كسب. الامرأة دي كسبت. وكل اللي نطوا في النار كسبوا - 00:54:26

هي مش مسألة تتط في النار هي مسألة تنجح في الابتلاء سيدنا سعد ابن ابي وقاص سأل رسول الله اي الناس اشد بلاء قال الانبياء ثم الصالحون ثم الامثل فالامثل بيترلى الرجل - 00:54:40

على حسب دينه فان كان في دينه صلاة زيد له في البلاء وان كان في دينه رقة خفف عنه. ما تقلقش ابدا ابدا من ربنا هيبيتليك بايه؟ ربنا هيبيتليك وهو عارفك. ما تقلقش من دي - 00:54:55

انما ايه لأ انت بس على الحنة اللي عليك ركز انت في الحنة اللي عليك. هتعرف تصدق وهتستحمل ولا أ عايز انصحكم اخيرا بقراءة كتاب اصحاب الاصدود للشيخ رفاعي سرور. وده واجب علمي - 00:55:08

بس ده بصراحة يعني محتاج يعني ده مش صغير ممكن ما تخلصوش في اسبوع ممكن ياخذ اسبوعين ولكن في كمية فوائد هو بس بيتكلم اصحاب الاخذود هو بيتكلم على الحديث ده ورائع يعني اقوى من الدرس ده مليون مرة - [00:55:24](#)

بس اللي مش هيقدر يعمله مش مشكلة. يعني انا ده لليه؟ لعالي الهمة يعني آآ احنا خلصنا الحديث انا عايز احط لكم طريق كده سلسلة كده بنتكلم على الحديث ده عشان تبقى فاهم. شوفوا يا جماعة - [00:55:40](#)

انت هتصحي للدنيا دي انت دلوقتي في الدنيا دي بيتعرض عليك الطريق الصح والطريق الغلط وبتسمع عن الطريق الصحفي في الدرس ده وتهتسمع عن الطريق الغلط في الدنيا دي وتهتشفف اهل الدنيا دول - [00:55:56](#)

وعليك انك تختار وطبعاً طبعاً لازم تختار الحق ولازم تختار طريق الراهن ولازم تختار طريق الغلام ولازم تختار طريق ربنا بس عايز اقول لك حاجة ربنا هي بتليلك. انت صادق ولا مش صادق؟ وربنا هي بتليلك. انت بجد عايزه الطريق ده ولا مش عايزاه - [00:56:11](#)

وفي مفتاح مهم جداً جداً لازم يبقى معك. ايه هو؟ بناء ايمانك. لازم تستعد اصلاً للابتلاء ده يعني انت اصلاً لازم تبقى فاهم انا بصلني واصوم عشان اجهز نفسي لما ربنا يحطني في الاختبارات بتاعة انت انت صادق ولا لا - [00:56:29](#)

لازم تسمع زي ما الغلام كان بيعمل وبعد كده لازم تبقى فاهم ومتوقع انك ستبتلى الجملة دي عايزها ترن جوة دماغك كده انك ستبتلى - [00:56:45](#)

وبعد كده هيجي لك الابتلاء. عليك بقى في هي دي اللحظة الفارقة انك تستحمل وتصبر وتضحي وتصبر وتكمل انك على الحق. اصبر انك على الحق ايه هو الابتلاء - [00:56:59](#)

وهيحصل لك ايه بسببه مش موضوعنا والله يعني تخيل الصحابي قاعد بيسمع ده في مكة قاعد انتقال له التأصيل ده وال فكرة دي والموضع ده وهو هيصحى الصبح هيتعزب هيهاجر هيقاتل مش عارف بس خلاص بقى فاهم القصة - [00:57:15](#)

وانتم نفس الكلام آآ شغلك هيحصل فيه مشاكل. هتفقد حد عزيز عليك. الجوازك ممكن يتأخر. رزقك ممكن يحصل فيه كلام. آآ الصحاب ممكن خسارهم ناس ممكن يأزووك حتى نفسياً. استعدوا يا جماعة - [00:57:35](#)

لانه آآ هي هو ده التمن الاساسي. وهو ده الدليل الوحيد ولكن لا تقلق. ربنا مش هيسيب حد الحق اللي انت هتصبر عليه وتختراره ده ذلك الفوز ايه في صورة البروج الكبير - [00:57:52](#)

انت لك جنة عليه انت لك جنة عليه فهم جداً جداً انك تبقى فاهم. الله شايف كل ده. الله معك في كل ده. قال له اكفيهم بما شئت. على طول كفاه - [00:58:09](#)

ما تقلقش اوعى تفتكر انه الجليس والراهن اتعزبوا واتقلبوا لحظة وهم بيتنشروا. لان ربنا انت شايف انه بيتنشر وهو ربنا مش هيخل عليه يحس بنقطة حته الم ولا تعب ولا اي حاجة. اوعى تفتكر ان ربنا هيسيب واحد صادق - [00:58:22](#)

ودي لما حد قال لها لي كده قال لي ازاي طب اتأكد ان انا ماشي صح. قلت له مستحيل ربنا يضل صادق المشكلة انت صادق ولا لا؟ انت لو صادق مستحيل تضال - [00:58:38](#)

انت لو صادق مستحيل تتوه. انت لو صادق مستحيل تخسر في ايا كان صورة الابتلاء ما تقلقش لان ربنا معك فيه انت بس شيل هم صدراك شيل هم بذلك وتصحيتك وتركك - [00:58:52](#)

عملت ده يعني خد بقى من ربنا فتوحات ورحمات ومعية وكرامات وبركة وتهوين وتسلية آآ ومن يتصرّب يصبره الله واعانة وفتح وسكينة وطمأنينة ولزه دي ما تقلقش منها انما تقبل فكرة انه في ابتلاء - [00:59:07](#)

افهم انه هيحصل اعرف ان انت لازم تبذل عشان تبقى بتسبّب انك بتتصدق واصبر فانك على الحق. فدي كانت قصة الغلام والساحل والراهن ونهعمل الوجبات العملية يا جماعة اصدقوا بقى ربنا في موضوع الانستجرام - [00:59:32](#)

واشتغل على ايمانك وابني نفسك وال حاجات العلمية اللي قلناها برضو بتاعة اسم الله الشافي وكتاب الشيخ رفاعي السرور كل ده هيجي لكم هندوس فيه بازن الله. سبحانه الله وبحمده. اشهد ان لا الله الا انت. استغفرك واتوب اليك - [00:59:49](#)